

# FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesins l'un — bez subit

Si vendin la vie da l'Edicola e la dai Tabacchine in Mercatieri, in piazza Contareno e in Berg di S. Bartolomeo

REDAZION: su la fontane di piazze Contareno — AMMINISTRAZION: su la foreade de Vigne

Par altri Florean al si lassará ciatà; quand che coventis, in Stamparie Jacob e Colmegne.

Tiradure 4000 coplis.

## Florean in famée

Ah! ce mai hajo fatt jo! O hai crodut uè vott di podè faus une confidence e di zontà ance jo une fazzade a la storie, (che za cumo, come simpri, a si la scriv in ta che maniere che a comude mior,) e voaltris subit, petezzons, a metimi sù Marie Luigie e a fami ciapà une di ches filadis!... Ombre! e ce filade! Ce dal diambar si impensaiso di vigni cà di me, a meti la pas in efase? Pa! amor di Di! un'altre volte, s'ò saves alc dai fazz miei, vèbit prudenzie; e vait a contauses indula che no us sint che benedete femina. Se no jo no hai plui ben in vite me.

S'ò la vessis sintude! Uè vott, o si vevin dat il bongiorno te matine, e, tant ben che jere fieste, jo o vèvi fatt cont di là cun Marie Luigie a fà une trotade in *brum*, tal dopo di gustat. Ma, ce nonè, col fo sul miadl, (jo prima no mi eri inaquart di nuje, perchè ch'ò vevi il miò biell) ce fà a sta atent s'al passave il mio segretari, col fo sul miadl, giò, e scomenzà a fami il muson e a cialàmi di brutt. Jo i crodevi che, ce sao jo, i foss capitat qualche estro; (e saves za che dutis lis feminis e van second che i batt la lune;) ma o ritignivi di podèle bonà cun quatri peraulutis dolzis, di ches che o sai di jo quand ch'ò mi sint in gringule. *Maraméo!* Nòl zovave nuje. O vevi un biell cimih, jo; o vevi un biell clamale. Mie! Miute! Gigitte! Miutine! o butavi vie di band dugg i diminutivi, dugg i cocolezz, che par solit e la fasevin là in brud di violis. Je dure, inmusonade, no olève scoltàmi. In presenze di dute che int, che lève sù e jù ah, jo mo! o mi tignli mal apajat e la lassai che si frizess tal so grass. Par altri, o mi sintivi a roseà de bile, e no viodevi l'ore che foss sunade la ciampane des diis, par podè sfogami.

A nol doveve ve nance molat il banducell ancimò il muin dal cisell, che jo, cun dute che rabie ch' a si ere ingrumade tal mio stomi in tantis oris: « Marie Luigie! o scomenzal, ce ul « di che tu mi tratis cussì? » E Mar e Luigie: « Svergonzos! mi rispundè, e tu has ancimò

« l'eur di vignimi intor, dopo di ve mitut in « piazze dutis lis tos porcaris, vantanti ance? » — « Ohe! la bacilistu? » i disei jo, fasiud fature a tignimi di molai un pataff, parò che e mi vignive su...! ma je, senze bati cèa e continua: « Un biell murbin, tu has vut vecio, matt e im- « bambinit! » Fogo di bio! che a sintim a tocià cussi tal debul, no sai come che no so! lât fur dai semenâz. E Marie Luigie pareve che se gioldess a viodimi, ch'ò levi t' un centesin. » « Un biell murbin, di contai a dugg lis tos « gloriis, e lis brauris di ches petegulis che van « in zardin a fà la malefin pe to covertorie! Nol « baste, no, che tu m' in fasis di ogni color? al « coventave propit che tu lessis a sunà la trom- « bette! E dutt parò! Parò che fin cumò o soi « stade buine...! ma ce buine! stupide, o scugni « di, si stupide! tant stupide di crodi che tu « vessis un fregul di cheli che Dio comandè. Ma « se o hai vut fin cumò i vôi fodraz di persutt, « di cà indenant o ju tegnari ben spalancaz, « jo; e no ti lassarai plui fà il macaco intor di « ciartis...! johi! ce ch'ò disevi dibott, Dio mi « perdoni! » Jo, o dis la veretat, o steyi il in- « suzit; no jeri bon di capl une malagirete nie di dute cheste fete. E infant, Marie Luigie, senze tirà il fiat, (e saves che lis feminis, co si molin, nissun lis ten plui,) e continuave: « E po', ise « che la maniere di dâ scandui, di fà diventà « rossis lis musis plui duris de citat? Uei meti « ance che la to Vitorie, un biell campion! e vebi « ditt sù dutis ches porcaris. Parò veyistu di « stampalls tu? » Finalmentri, o jeri rivat a capl « di ce che si tratave: « Ma, anime me, o res- « spundèi, isal par la relazion dal *meeting* che « tu ses cussi intrabiade? » — « Sior sî, sior ver- « gonzos. I parial ch' a sedi di omp prudent di « là a tirà fur dutis ches... robatis? » — « Souae « Mie, ma jo no hai tirat fur nuje; e je stade « Vitorie... » — « Zito, brutt...! no stait a veme « in liment. » — « Viostu mo', Miute, ca tu ses « fur di strade, Vitorie e je une frutate bieie, « buine e di bon sest... » — « Ah; canhe ch' al « è up! al ha eur di ciantames su la muse lis « belezis de so morose! » — « No, Miute dal « Signor, morose no. Je mi ul ben, ma no come « a di un moros. Boniti, vie. Cheste volte tu le

« has propit falade. » — « Mitin, ance ch' o la  
« vevi falade; ma e ches peraulatis? » — « Eco,  
« si al è ver, and jere di gruëssis, ma t' al zuri  
« che sui libris di messe and' è di ples. Ce ustu?  
« jo i hai crodùt in buine fede che, co lassin  
« stàmpa sui libris di messe ciartis robis, a no  
« vessin po' di tirà sù tant di nas par ches quatri  
« fotis che mi son s-ciampadis. » — « Ise propit  
« quasi, come che tu me contis? » e disè Marie  
Luigie, che scomenzave a bonassi. In chell al  
vignì donge Vinturin e, cun quatri peraulis, al  
finì di persuadè. Gradine è Bale-ben nus visarin  
che jere ore di distudà i feral; e intant che  
Gudrdafo al sunave la falinlulè, o si ciaparin  
su dugg i tre e o lèrin a bevi un litro, par si-  
gilà la pas che in te famèe di Florean e jere  
tornade.

## Leterature di Florean

### Lis brauris dal dotor Falne.

Al veye, te so fabriche di machinis  
Par razirà la int, un tirepis,  
Che al mantignive la muir e i fis  
Ancie cun difur via qualchi afarett  
Ch'al tignive sott claf in d'un cassett  
Cenonè al fo clamat al altri mond  
Falne al lè de vedue dal defont  
E si fè dà la clav, che i ocoveve  
Par oich, ciartis sos, come al diseve;  
Tanche se lui al foss, un tololo  
Di lassà in man dai altris robe so.  
Tal remenà, i restà tacat tai dez  
Un credit di doi mil e plui. Chei bez  
Jerin sigurs, parcè che un bon paron  
Ju doveve. Po' folci oq bon bocon  
Par lui, che tante al ha dai bez passion!  
Che, plui che Giude, se i vegnias a top,  
No Crist, par trente sold, al vendaresa  
Ma trente par un sold, Crisg s'al podess!  
Al fè clama di bote il debitor  
Par squedlin, disind che il creditor  
Al jere lui. Chell altri ch'al saveve  
Che lui gran jentrà a nol podeve,  
A i disè: Sior, jo prime di pajà  
Cui erez dal defont nei fevelà,  
No forin sanz, la scienze machiaveliche  
Par che volte e fè fiasch; dute la batule  
E zovà, nome a fà tignì plui dur  
A chell Tizio che il ciat al metè al mur.  
In conclusion, squiarte l'oselade,  
La ciosse a la mior fè tgonade,  
Senze che s'inaquarz un ciart ufiz,  
Dirett dal bray omett che al jere Alhrizi,  
E che daur i steve, par beca  
Chell biatt che nissun rive a ciapà.

### Florean par Puscuell.

O levì vie, fumand un Sella, par Puscuell e  
dand qualchi ociade a tantis bielis frutatis, che

o incontravi, e che a mi plantavin i vôi induess  
come ch' o foss une bestie rare; quand che o  
m' intopai in mestri Pieri, une bieles macie, ch'al  
olè menami a bevi unè tazze la via di Bùrgante.

— Tant ben ch' o ti ciati, ciar Florean, al mi  
disè mestri Pieri; o vignivi propit cumò in piazze  
Contarene, par fevelà cun te e contati une storiè,  
sucedude in Puscuell cheste setemane passade.

— Contimi, contimi, i disèi jo; baste che sedi  
juste a curte, parcè che o hai unmont di ce fà,  
e o sougni contentà dugg.

— Tu has di savè che la massarie di un vecio  
cul si è maridade. E jere la vilie da zornade che  
veve di là in glesie, a fà il gran pass. Tu pùs  
crodi se no i bateve 'l cur; e, par jevà sù a  
buinore e jessi pronte col capitave il nuvizz, co  
forin lis vott e lè a pognisi. Di là di un ore, pòc  
sù pòc jù, si sint a batì te puarte di clase. Tuco,  
tuco, fin che il paron al lè sul baloon a viodi  
cui ch'al vignive a rompi... la devozion. — Cui  
è, al zigà il vecio. — O soi jo, il Plevan, al re-  
spuindè chell altri te strade. Clamait la massarie,  
parcè che mi covente di fevelà cun je. — Ma la  
massarie e jè tal jett, al respuindè il paron. Ch'al  
mi disì a mi ch'al è chell instess. — Ben, ricuar-  
dais di dli, che doman di matine, quanche ven  
in glesie a maridassi, che no si dismentè di  
puarta 'l fazzolett. Zà mi capis di ce che si trate.  
Us racomandi. — E cun cheste raine, al lè pai-  
trois. Ti parai, ciar Florean, che un Plevan al  
vedi di piardisi in chestis miseriis, e di là a di-  
sturbà la int che duar pacifiche, par chell gran  
capital di un fazzolett? Parcè che, second l'usanze  
dai contadins, il fazzolett de sponse i reste al  
Plevan.

— Ce ustu fai, o respuindèi jo, ciar mestri  
Pieri! chell Plevan al è un original di prime  
fuarze. Sastu ce tantis che m' ind han contadis  
sun chest genar! O' hai simpri tasut, ma chestè  
dal fazzolett no pùess lassàle p assà!

— Brav Florean! intant o t' saludi, parcè che  
tu tu has masse ce fà.

E jo o lèi jù pe androne di Ribis, e o mi alin-  
giai fin in glesie di San Zorz, a ciapà un bocon  
di predice dal mes di Maj.

### Florean par Grizzan.

O jentrà in glesie, e par di la veretat, dute  
la int a mi cialave e mi segnave a det cun riao  
spiett. Diambar! Florean al è ben vidut dapar-  
dutt a Udin, parcè ch'a i plas di di la veretat,  
senze riguarz par nissun, che sedin puars o sioris.

Il prediciador al jere in tun moment il plui  
ciald de so predice. Al aberlave tant ch'al podeve,  
disind dutt il mal pussibil di chest mondatt. Jo  
no dis ch'al vedi tuart, ma no savevi propit che  
un prediciador al vess vut di fà, diventà rossia  
tantis bielis frutatis, ch'a jerin in glesie. Al sco-  
menzà a di che dopo ch'al è il progress, lis  
(cemud hao di clamalis? lui al diseve meratrici),  
e son cressudis tun mud di fà spavent; che i

ospedai e son plens di chestis disgraziadis, e vie, vie di ches trott.

E han fatt qualchidun, di chei che uelin fa crodi di jessi tang sanz Luigis, un bordell dal diaul, perchè che jo, Joibe stade, o hai mitud sul miò sfuei la relazion dal *meeting* des feminis in miò favor tal e qual che mi è stade mandade. Chesg sanz Luigis che vadin a San Zorz se uelin sintint di bielis! I garantiss jo, di Florean di onor, che in te relazion dal *meeting*, in confront, e son rosis e flors. Che vadin, e poi dopo mi savaràn a di.

## Corispondenze di Florean.

*Ciarrissimo sior Floreano!*

Par tanto che i vetè zirato ator le fuesse, no setè in mò rivato a souviarzera indula ch'a la sta scuinduda la scienze di l'ustrissin Vigio-Gabriello e sòi coleghi di ufizio. Mi tocia donca a dirtelo io. Come ch'a jè a tua cognossenza, dongia de la Puarta di Pascuello, o Puarta Vignesia, come ch'avi disino cumò, fò fata di poco in cà una piazzuta che la saress lada tanto ben par qualchi marciado di pizzule bestie. Vigio-Gabriello, invezzi, al ha pensato ben troppo più subliissimamente bene; e ciamati dongia tuti quei altri cossi che i ghe stano intoro per zonta, i hano stabilido e decretado che quella plazuta i sia vinduda in tanti pizzuli bocognuti ai confinanti paroni di ciase. Lu decreto al jè bel e za lato in esecuzione; e sior Bepo ch'el ga crompto un di quei bocognuti al sta pareciando par far suso un Ciodo siarato cont'una palada, di meter drentro bestie indecento e dipuesite di materie odorose.

Mio bielo Floreano! ti, che ti sta in fazza dal Municipio sestu bono di far un reclamo al l'ustrissino Vigio-Gabriello par che al fasa subito in botta su spender quele brute vore scomenzade sun quella puara piazzuta?

Ti raco mandò è ti saluto

La tua  
Lodra.

(Note di Florean. O seugni daus cheste lètare tal e qual come ch'a mi è capitade, perchè che no hai vut timp di tradusile. E po' lis pantianis mi han roseat il dizionari!)

*Florean benedet!*

Cividat, ai 7. di Mai.

Seuse de libertat; ma, quand che i tiei grang umin ti lassarann un moment di padin, fas' una s-ciampade fin ca sù. Tù vedaras che o vin anco no dai personagios che mertin di jessi mituz te to galario.

E prin di dugg chell sior *antisemitich*, ch'al u puarta il ciroul di San Donat in Municipi e che al voress mandà a spass lis mestris, par dai di vore ai Capelans. Intant, par altri, al è stat bon di fàl fà al Consèi Comunai une di ches capellis,

a proposit dal nestri *Collegio-Convitto*, che i puedin vigni tal ciàf nome a di chei che orressin fànus tornà indaur di qualchi stoul. Tù sas ben anco tu ce razze di briconariis che son bogns di fà i predis, par tentà di butà jù dutt chell che, a noaltris talians, nus ha costat tant sang e tang sacrificis. O vin ben noaltris domandat al guviar di judànus; ma, cun dutt che plui di cent voltis a i sedi stat il so bon parò di mandà a fassi... frizi cheste nae, tant par lis fotis che fasin riguard ai interess dal comun, come anco par la mire che han, di fà dal nestri Colegio un nid di nemis de patrie e de libertat, cun dutt a ches, no vin mai utignut nuje; e intant chesg altris nus han tal ort e nus dan tant di pan e salam.

No sta a dismentèati di no'. Ven a ciatanus, che no tu butaras vie il timp di band, e tu podaras tornà a Udin cunt'una raccolte di tipos di podè fàl onor a la espuzion.

Mandi

Sandrutt.

## Florean daur des cros.

Jo no mi ten mai di là indula che jè un poce di confusion, perchè che zà, te confusion, qualchi pivele si ciate, di passà il timp manco mal. Cumò Marie Luigie no mi sint e o puess dille sciete e nete.

Cussì mi metèi tal ciàf di là daur des cros dal Càrmini; e ma da bon si che o vedèi ben tropis borghesanis, che no manciarin es Rogazioni. Si lè indenat, par un boccon, avonde ben. Cenonè in tün ciart pont, o sinti un batabul dal diaul. Ce isal, ce no isal, e jere succedude une barafuse mostrè. O lèi donge a viodi Olesò orodi che o mi svergonzai unmont? E jerin cinq frutatis che a si disevin di dutt, e mi par anco che a lessin in bande e che lis giambis i fassessin jacum jacum. No capivi il parò di ches tananai, massime in chell moment e in ta, che circostanze, dula che dute la int e dovaress sta devote e cujele.

Cioltis lis mes informazions, o vigni a savè che ches frutatis e vevin bevut nujemanco che cinq litros di vin, e cussì e vevin tirat sù une pipine cun dutis lis regulis.

E podes crodi ce scandal! E po' dopo si maravein se qualchi puar artist, dopo di ve lavorat dute quante la setemane come un cianatt, al si permett di ciapà la bale! O vin propit un biell progress: si viod po' che i predis e san ben fa rispèta la moral dai siei parochians, se cumò è scomenzin a là cioche anco tes funziions religiòsis!

Se no foss stat presint a cheste brute scene, us garantiss che no la varess crodude. E o seugni concludi che ciartis pursizioni, ciartis nainis, e saress ore di lassalis di baudè, perchè che no jè vore nuje che a sedin par mostrà che il popùl al è religios; e l'esempli che us hai contat, mi par ch'al basti par persuadeus.

Ce crodèso voaltris, che dutis e dugg chei che van a predice la sere, tal mes di Maj, che vadin par divozion? Ma par diè sì! Se o savessis ce

tang morosezz, ce tang truchèzz che si scindin a seur, cùl pretest di là a sinti la predice! Figuràisi, quanche o jeri plui zovin, anco jo o hai profitat di dutt, e se la me frute e mi diseve: chesste sere o voi a San Pieri Martar, o ben a Madone di Grazie, e podes brodi se jo no levi in glesie par podè fevelà cun jè e magari dai qualchi bussade.

Dunco nuje pursizions di matine a buinore, nuje funzioms in glesie di gnott cun chell seur. E dovressin i predis, se vessin vere religion, inlumina ben e no mal lis glesiis, magari a petrolio o, ancimò mior, a gaz! In cheste maniere e mostrassin di volè protezi la religion e la moral, e no nassassin ches brutis nainis, come che des frutatis ciocchis daur des cros dal Cärmini.

Parcè che Florean la pense a so mud tant in in pulitiche che in religion, ma al sa rispeth dutis lis upinions, quanche son sincoris e quanche al capiss di ve da fà cun galanzamin e no cun antonazz, cun gisults.

## Da la zae di Florean

L'Apuestul Pauli e il professor Mastie soemmenzin a pareola pes elezioms amministrativis. Ocio, udines! che Pauli al ha une voe, che nol pò plui, di torna drenti tal Consei Comunai.

Pauli e Vigi Gabriel, doi già tun gialinar! Dal rest no mi displasaress migo la idee. Nome a patt pur altri che vessin di becassi ben e no mal un cùl altri. Se une biele di no si vess di ciatà plui nance lis codis! Jeh! ce glorie!

Cui ch'a covente di fassi vigni mal di panze, al ha nome di là a spassiza su e jù par borg di San Tomas. Al sta là vie un professor di violin, che al grate dute la marj dal di e che al fàs diventà rabios dugg chei puars mostros che son condanaz a velu tes orelis.

Grand, madur pluitost, ma plen di fuarzè, cun doi vòl neris di brusà, vistut si e no di predi, o viod un Tizio, ch'a i cor daur a dutis lis fantatis. Un filosofo mi han ditt ch'al ha di sei; ma a mi mi par che la so filosofie e tindi a là a fin tes cotulis.

Al è anco ami, ma grand ami dal *Citadin*, di chell sfinjett ch'al ha une bausie par titul. Oleso savè dula che il mio filosofo al va a sfoga lis sos confidenzis cun Dal Neri? In zardin sott gnott!

No olevi propit plui fevelà di senelis, ma co si ven a savent di ches che no stan nè in oile nè in tiare, cemud si fasial a tase?

Une mestre *senza patente*, ma cun dutt a ches pajade sore la bruce, invece di insegnà, in scuele, e invece di tindi a chell che fasin lis scuolaris, e lavore di uadagn. E se lis scuolaris e uelin ciapà une buine classe in soimp dal an, e soungnin lavore di uadagn par la sore mestre. Ah! pantianate, pantianate!

Un altre po', par fassi ben oie, e mande in regal cà e culà par lis fameis dai siors, des pi-pinis vistudis al ultin figurin. Ciò, e dires voaltris, puarete! e starà su di gnott par vistilis. No po' mo'; a lis fàs visti des sos scuolaris e in timp di scuele. *Arte applicata!*

Al è po', par di plui, un Diretor che, co i covente di fassi fà qualchi pletine tai fazzoless o tai tavajuzz, a s'e fas fà in scuele. Oh! mi marave! Ch'al si comudi! Parcè no anco lis mudandis! *Scuola pratica!*

O saltavi fur dal *Nazional* che altre sere, dopo di ve sintude la comedie gnove di Ulman: *Marieta*. Un al mi domandà: «Ce ti parial Florean?» — «Mi par, o respuindèi, che a fà comedis, i *Ul-man!*» o orodevi che chell'altri al si copass par s-ciampà. O lu vevi fulminat!

## SERVIZI TELEGRAFICI PARTICOLAR di FLOREAN

**Viene, 9.** Mio charo Cisolo. Mi ti anchora zu viel ringrazzar per tua apelation contro sentenza popolaccio e mi ti mandar presto grossa decoration. Star bestia tuo superior che habe ritirato apelation. Se ti mandar Ragosa Giordani giurati Roma, mati fussi galera in vita. Vergiss mein nicht per altra volta.

Checo-Bepo.

**Viene, 9.** (ore di sunà che gnove) Mio gnùdigsten, Paulo apostolo Mi ti molto racomandar far tuto possibile per sallar fora Consigliere in nova elezion Communal Udine. Quando ti con Ludwig Gabriel von Feagnisberg sentato sopra cose di comun mi star cuzzo e gnehte paura mati udinesi.

Checo-Bepo.

**Pietroburgo, 9.** (ore di là tal balon) Czar spiete a brazz avierts Segretari di Gaetan mandat corir di gabinett assisti incoronazion Mosce. Segretari puarte te pilizze dal paron istruzions confidenzials di Pauli Apuestul a Sandrin par osela *nihilisg*. Pauli promet, mandai anco zussa che a lui cuss, ben servit in tantis ocasions.

**S. Nicolò, 9.** (ore di meti a durmi e fruzz) Dotor Fabio disperat lontaneuze so Pilade, no podind là su e jù par inarolatvieri cun chell fà di sposine strache, ce fasial?... Mah!

GUIDO ANTONIOLI, gerent responsabil.

Udin, Stamparie Jacob e Colmegna.